

毗婆沙序

此序十卷

分一

釋道挺作

毗婆沙者蓋是三藏之指歸九部之司南司  
南既准則群迷革正指歸既宣則邪論輟駕  
自釋迦遷暉六百餘載時北天竺有五百應  
真以爲靈燭火潛神炬落耀含生昏喪重覆  
方始雖前勝迦旃延撰阿毗曇以極頽運而  
後進之賢尋其宗致儒默竟構是非紛如故  
乃澄神玄觀搜簡法相造毗婆沙抑止衆說  
或即其殊辯或標之銓評理致淵曠文略豔  
博西域勝達之士莫不資之以鏡心鑒之以  
朗識而冥濶潛灑將洽殊方然理不虛運弘  
之由人大沮渠河西王天懷遐廓標誠沖寄  
第林野是使淵叟投竿巖逸來庭息心昇堂  
玄容入室誠詣旣著理感不期有沙門道泰  
才敏自天沖氣踈朗闊博奇趣遠參異言往  
以漢土方等旣備幽宗粗暢其所未練惟三

藏九部故杖策冒險爰至憇西綜覽梵文義  
欲令宣譯然懼環中之固將或未盡所以側  
席虛襟企矚明勝天竺沙門浮陀跋摩周流  
敷化會至涼境其人開悟淵博神懷深邃研  
味鑽仰逾不可測以乙丑歲四月中旬於涼  
城內苑閑豫宮寺請今傳譯理味沙門智嵩  
道朗等三百餘人考文詳義務在本旨除煩  
即實質而不野王屢迴駕陶其幽趣使文當  
理詣片言有寄至丁卯歲七月都訖合一百  
卷會涼城覆沒淪湮遐境所出經本零落殆  
盡今涼王信向發中探練幽趣故每至新異  
希仰奇聞更寫已出本六十卷送至宋臺宣  
布未聞庶今日新之美敞於當時福祚之興  
垂於來葉挺以微緣豫參聽末欣遇之誠竊  
不自默粗列時事以貽來哲

如來滅後法勝比丘造阿毗曇心四卷又迦旃延  
子造阿毗曇有八捷度凡四十四品後五百應真

造毗婆沙重釋八犍度當且譯時大卷一百大武破沮渠已後零落收拾得六十卷後人分之作一百一十卷唯十三犍度在五犍度盡失

阿毗曇毗婆沙論序

迦旃延子造北涼沙門浮陀跋摩共道泰譯

阿毗曇毗婆沙論卷第一

分一

云何世第一法何故名世第一法如是章及解章義是中應廣說優波提舍問曰誰造此經答曰佛世尊所以然者諸法性相甚深微妙惟一切智乃能究盡尊者迦旃延子云何能造答曰彼尊者迦旃延子亦或有說者尊者舍利弗問佛答復有說者五百阿羅漢問佛答復有說者諸天問佛答復有說者化人問佛答所以者何諸法性相應當廣說然無問者尔時世尊化作比丘剃除鬚髮著僧伽梨形容端正彼問佛答如問衆義經因緣問曰若然者何故復言迦旃延子造耶答曰彼尊者常好受持讀誦爲他解說廣令流布名稱歸彼故言其造復有說者即

彼尊者迦旃延子造作此經問曰向言諸法性相甚深微妙惟一切智乃能究盡尊者迦旃延子云何能造答曰彼尊者迦旃延子亦有猛利甚深智慧善知揔相別相又知文義及前後際通達三藏三明六通具八解脫離三界欲獲得願智於五百佛所修行立願願使我於未來世釋迦牟尼佛遺法之中造阿毗曇經問曰若然者佛阿毗曇何者是耶答曰世尊於處處方邑爲化衆生作種種說彼尊者迦旃延子於種種說中立章門造偈頌制品名作捷度若說種種不相似義立雜捷度若說使相立使捷度若說智相立智捷度若說業相立業捷度若說四大相立四大捷度若說根相立根捷度若說定相立定捷度若說見相立見捷度如法句經世尊於處處方邑爲衆生故種種演說尊者達摩多羅於佛滅後種種說中無常義者立無常品乃至梵志義者立梵志品此迦旃延子亦復如是

又諸佛出世盡說三藏所謂修多羅毗尼阿  
毗曇問曰修多羅毗尼阿毗曇有何差別答  
曰或有說者無有差別所以者何從一智海  
佛河出故因大慈心說故復有說者亦有差  
別云何差別名即差別所謂此修多羅此毗  
尼此阿毗曇復次爲分別心名修多羅爲分  
別戒名爲毗尼爲分別慧名阿毗曇問曰若  
然者修多羅中亦分別戒亦分別慧毗尼中  
亦分別心亦分別慧阿毗曇中亦分別心亦  
分別戒如是三藏有何差別答曰從多分故  
修多羅中多說心法毗尼中多說戒法阿毗  
曇中多說慧法復次修多羅中若分別心名

修多羅若分別戒名毗尼若分別慧名阿毗  
曇阿毗曇中若分別戒名毗尼若分別心名  
修多羅若分別慧名阿毗曇毗尼中若分別  
慧名阿毗曇若分別戒名毗尼若分別心名  
修多羅如是三藏是名差別復次修多羅中  
應次第求以何等故世尊說此次復說此說如

信佛次應信法毗尼中應因緣求如說此戒  
緣何事制阿毗曇中應以相求不以次第復  
次修多羅依力故說復次種種雜說名修多羅廣  
說戒律名曰毗尼說總相別相名阿毗曇復  
次未種善根令種善根名修多羅已種善根  
欲令成熟名曰毗尼善根已熟得正解脫名  
阿毗曇復次爲初入法名修多羅已入法中  
爲受持戒名曰毗尼已受戒者爲今正解名  
阿毗曇修多羅毗尼阿毗曇是名差別  
阿毗曇修多羅毗尼阿毗曇是名差別  
問曰彼尊者以何因緣造作此經答曰爲饒  
益他故若有受持讀誦通利說正憶念無量  
分一問曰彼尊者以何因緣造作此經答曰爲饒  
益他造作此經佛亦如是爲饒益他說十二  
部經一修多羅二祇夜三婆伽羅那四伽陀  
五優陀那六尼陀那七阿波陀那八伊帝曰

多伽九闍陀伽十毗佛略十一阿浮陀達磨  
十二優波提舍所以者何若有衆生雖有內  
因無外緣者終不能修勝進之行若遇外緣  
則能修行譬如鉢頭摩分陀利拘物頭優鉢  
羅華在池水中日光不照不開不敷不香日  
光若照則開敷出香如闍室中有種種物若  
無燈照終不可見有燈則見衆生亦然雖有  
內因若無外緣終不能修勝進之行若遇外  
緣則能修習勝進之行以是緣故佛說偈言  
譬如闍室中 虽有種種物 若無燈明照  
有目不能見 若人雖有智 不從他聞法  
是人終不能 分別善惡義 譬如有目人  
因燈見衆色 有智依多聞 能別善惡義  
多聞能知法 多聞能遠惡 多聞離無義  
佛經亦說有二因二緣發於正見一從他聞  
法二內正思惟又說人有四法甚為希有一  
親近善知識二從他聞法三內正思惟四如

法修行又說若我弟子一心聽法能斷五蓋  
具足修行七覺分法如佛世尊為饒益他故  
說十二部經彼尊者亦復如是復次為破無  
明闍故如燈破闍作明阿毗曇者亦復如是  
破無明闍與智慧明復次欲令無我像得分  
明故譬如明鏡照諸色像若人能以阿毗曇  
慧善分別揔相別相無我人像自然顯現復  
次為度生死河故譬如百千那由他衆生依  
堅牢船而無所畏能從此岸到於彼岸如是  
百千那由他諸佛世尊及諸眷屬亦復如是  
依阿毗曇船而無所畏能從此岸到於彼岸  
復次為諸修多羅經作燈明故如人執炬於  
諸闍中終無所畏如是行者執阿毗曇炬於  
諸修多羅義中而無所畏復次為觀察善不  
善無記法故如善識寶人善別金剛等寶如  
是智者以阿毗曇慧分別善不善無記法復  
次為現阿毗曇人須彌山不傾動故如須彌  
山王安住金輪地上四方猛風不能傾動如

是智者以阿毗曇慧須彌山安置於戒金輪  
地上四倒邪風不能傾動復次以三因緣故  
尊者迦旃延子造作此經一爲增益智故二  
爲開覺意故三爲斷我人故增益智者於內  
外法中一切經論莫若阿毗曇開覺意者衆  
生常眠無有覺時不知何者是一切偏使何  
者不偏使何者自界緣偏使何者他界緣偏  
使何者有漏緣何者無漏緣何者有爲緣何  
者無爲緣云何爲攝云何相應云何因云何  
緣誰成就誰不成就能了知如是等遠近法  
者是阿毗曇力斷我人者彼尊者造阿毗曇  
經未曾說有我人於一切處常說無我無人  
以如是等衆因緣故彼尊者造阿毗曇經問  
曰阿毗曇體爲何者是耶答曰無漏慧根自  
體攝一界一入一陰一界者法界一入者法  
入一陰者行陰若取相應共有攝三界二入五  
陰三界者意界意識界法界二入者意入法  
入五陰者色受想行識又修多羅說此帝釋

分一

六

長夜其心質直無有詭曲諸有所問爲了知  
故不爲嬈亂我當以甚深阿毗曇恣汝所問  
此中何者是甚深義所謂無漏慧根又如經  
說有梵志姓犢子其性質直無有詭曲諸有  
所問爲了知故不爲嬈亂我當以甚深阿毗  
曇恣汝所問此中何者是甚深義所謂無漏  
慧根復有梵摩瑜婆羅問須跋梵志亦如上  
說如佛告先尼梵志我法甚深難解難了難  
知難見非思量分別之所能及惟有微妙決  
定智者乃能知之非汝淺智之所能及所以  
者何空即無我而汝計我汝常長夜有異見  
異欲異心以是之故非汝淺智之所及也此  
中何者是甚深義所謂空三昧也如說愚人  
無眼而與上座智慧比丘論甚深義此中何  
者是甚深義所謂退法是也如佛告阿難此  
十二因緣法甚深難解難了難知難見非思  
量分別之所能及惟有微妙決定智者乃能  
知之非汝淺智之所能及此中何者是甚深

義所謂因緣是也如說此處甚深所謂緣起此法離欲寂滅涅槃此中何者是甚深義所謂因緣寂滅性也如說諸法甚深故難見難見故甚深此中何者是甚深一切諸法體性甚深是也問曰阿毗曇體何者是耶答曰無漏慧根分一以無漏慧根力故令生處得慧能受持十二部經讀誦通利亦名阿毗曇也又以無漏慧根力故能令聞慧知揔相別相又令聞慧建立揔相別相又令聞慧斷自性愚及緣中愚於法不謬又以無漏慧根力故能令思慧不淨安般念處等亦名阿毗曇又以無漏慧根力故能令修慧煖頂忍卅第一法亦名阿毗曇又以如是等慧令無漏慧根轉得明淨名阿毗曇問曰若無漏慧根是阿毗曇體者何故此經復名阿毗曇答曰阿毗曇具種種名以漏具故說漏如說七漏是煩惱是熾然苦惱實漏有三所謂欲漏有漏無明

漏垢具故說垢如偈說  
女始梵行女繡衆生苦行梵行不因水淨女實非垢實垢有三所謂貪瞋癡垢樂具故說樂如偈說

飲食時樂著衣亦樂經行山窟斯亦復樂飲食等非樂寶樂者是樂受使具故說使如有七味具說味如說比丘眼味於色色是魔鈎眼非是味實味是愛欲具說欲如說五欲美好能令愛心增長染著色等非欲實欲是愛退具說退如說時解脫阿羅漢有五因緣退一者營事勤勞二者多誦經三者諍訟四者遠行五者長病非營事等是退實退是不善隱沒無記法業具說業如說比丘有三種意不善業生苦果報所謂貪恚邪見貪恚邪見體非是業實業有三謂身口意報具故說報如尊者阿泥盧頭說我以一食施報七生三十三天七生波羅柰國食非生報生報者

是不善善有漏法如是等處經中說因種  
種具說種種名此亦如是阿毗曇具說阿  
毗曇問曰以何義故名阿毗曇答曰尊者和  
須密說能決定分別十二部經名阿毗曇復  
說能覺了十二因緣名阿毗曇復次於四聖  
諦能次第得正決定名阿毗曇復說能解說  
分一  
修習八聖道法名阿毗曇復說能證涅槃名  
阿毗曇尊者婆檀陀說曰煩惱出要繫縛解  
脫生死涅槃如是等法以名味句身次第撰  
集分別解說名阿毗曇尊者瞿沙說曰求解  
苦是苦因是道是道果是方便道是無礙道  
脫者諸所施行未分別者皆分別之所謂是  
是解脫道是勝進道是向道是得果名阿毗  
曇尊者波奢說曰此智是究竟智此智是第  
一智此智是不謬智名阿毗曇阿毗曇人說  
曰能種種選擇覺了證知一切諸法名阿毗  
曇復說法性甚深能盡其原底名阿毗曇復  
說能淨法眼名阿毗曇復說顯發幽隱甚深

智慧名阿毗曇復說若人以阿毗曇慧分別  
總相別相無有人能如法說其過者名阿毗  
曇彌沙塞部說曰如燈能照名阿毗曇如說  
一切照中慧照最上曇摩掘部說曰此法增  
上名阿毗曇如說一切諸法慧爲最上譬喻  
者說曰種種諸法涅槃爲上此法次故名阿  
毗曇聲論者說曰阿毗言除棄亦言選擇除  
棄者所謂結縛使纏煩惱選擇者所謂陰入  
界緣起道品等諸法復次阿毗言增上慢如  
說名增上慢如說上者名增上者如說上逸  
名增上逸此經增上名阿毗曇復次阿毗言  
現前一切諸善道品等法皆現在前名阿毗  
分一  
曇復次阿毗言恭敬此法尊重可敬名阿毗  
曇此經名智慧基本問曰何故名智慧基本  
答曰諸究竟智皆出此經故名基本復次此  
經名安智足處諸究竟智皆因此經而得成  
立是故名安智足處問曰此經有何利益答  
曰隨順解脫隨順無我斷計我人顯明無我

發人覺意出生智慧除愚癡斷疑網得決定  
背熾然向出要得相續樂寂靜止生死輪隨  
順空法到涅槃岸能斷一切外道異見於佛  
法中能生一切欣樂之心此經有如是等利  
名阿毗曇

阿毗曇毗婆沙雜捷度世第一法品第一

云何世第一法問曰何故此經先說世第一  
法爲順次說爲逆次說耶若順次說者應先  
說不淨若說安般次說念處次說七處善三  
種觀義緩頂忍然後應說世第一法若逆次  
說者應先說阿羅漢果次說阿那含果次說  
斯陀含果次說須陀洹果次說見道然後應  
說世第一法又問爲以初入法故說爲以達  
分善根故說爲以最勝功德故說若以初入  
法說者應說不淨若說安般若以達分善根  
說者應先說緩法以緩法最在初故如尊者  
瞿沙論中先說緩法若以最勝功德說者應  
先說阿羅漢果有如是等事如佛在世尊者

大迦旃延有正觀智慧成就無量功德無礙  
精進入阿毗曇海心無增減覺意無邊言論  
難勝一切義論無能當者第二迦旃延子亦  
有如是智慧功德何故造作此經先說世第一  
法答曰諸論師說世第一法種種不同或  
有說者不以順次故說亦不以逆次故說但  
彼作經者意余隨彼意故造作此經不違法  
相是故先說世第一法或有說者阿毗曇應  
以相求不求次第修多羅經應求次第毗尼  
應求因緣阿毗曇經若求次第於文煩亂是  
故不應求其次第或有說者世尊經說若人  
不能正觀諸行性相能起世第一法者無有  
分一  
是處若能正觀諸行性相能起世第一法者  
斯有是處如世尊經中先說世第一法彼作  
經者因經造論故亦應先說世第一法問曰  
置作經者世尊何故先說世第一法答曰世  
尊爲化衆生次第說法諸受化者已得下忍  
中忍未得上忍及世第一法欲令得故世尊

說正觀思惟諸行性相當知即是上忍次得此世第一法是故先說或有說者爲止諸誹謗故世第一法多諸誹謗所謂名受誹謗體受誹謗界受誹謗現前受誹謗退受誹謗名誹謗者或言是性地法非世第一法體受欲界繫或是色界無色界繫或是三界繫或是不繫現前受誹謗者或是多心相續非是一心退受誹謗者或言世第一法退爲止如是等諸誹謗故先說世第一法復次一切生死非牢因法如糞掃汚泥此中誰最勝誰牢固誰如醍醐所謂世第一法是故先說復次以隨順無我故此經常說無我非如外典說我說欲法說有法說財此經惟說無我解脫涅槃此世第一法亦觀無我隨順此經故是以先說復次此經於一切論中最勝世第一法於一切世俗善法中最勝以此經勝故應先說勝法復次若住世第一法時名真佛出世

能得自在受用聖法佛出世間衆生入法凡有二種一假名二真實假名者剃除鬚髮而被法服正信出家真實者起世第一法次第能入苦法忍是假名沙門有二過患一者破戒二者捨戒入正法者無如是過真實沙門受用聖法能得自在隨其性分終無退失復次住世第一法時無始生死已來聖道門閉今始能開未曾能捨凡夫之性今始能捨未曾能得無漏聖道今始能得是故先說世第一法復次住世第一法時捨名得名捨數得數捨界得界捨性得性捨名得名者捨凡夫名得聖人名數界性亦如是復次住世第一法時得心不得心因得明不得明因得受不得受因復次住彼法時捨舊緣得新緣捨共得不共捨世間得出出間復次爲斷疑故衆生謂凡夫性無始亦謂無終今說世第一法即示其終復次住彼法時凡夫退患凡夫變異凡夫剛強悉不復起煬頂忍法或有起復

分一

十一

次住彼法時無有不得聖法而命終者煖頂  
忍不爾住彼法時無有不得聖道而命終者  
不得正決定而得正決定不得果得果出不  
定聚入正定聚無聖道有聖道無不壞淨有  
不壞淨亦如是復次住此善根無有止滯煖  
頂忍法而有止滯復次住彼法時凡夫人所  
修念處究竟滿足餘則不爾復次住彼法時  
漏無漏心有斷有續斷者有漏心續者無漏  
心餘則不爾復次如須彌山王安金輪上四  
方猛風不能傾動住此法時四倒邪風不能  
傾動復次住彼法時示始終故猶如明相是  
夜未晝初彼亦如是世俗之味聖道之初如  
示始終度已度入出方便究竟亦如是復次  
欲示相似法有異相故世第一法苦諦所攝  
能生滅苦道如苦攝世俗攝生死攝諸有攝  
第一法體是世俗緣能生出世緣是故先說  
如是有垢無垢有過無過有毒無毒有濁無

分一

濁有身見聚無身見聚有顛倒聚無顛倒聚  
有愛聚無愛聚有使聚無使聚亦如是復次  
以世第一法有勢有力能有所作猶如健夫  
住此法中得正決定故復次以三事故一以  
經義故二止詐謗故三即此剎那得果故經  
義止詐謗如上說即此剎那得果者世第一  
法次第能生苦法忍名功用果以是等諸因  
緣故先說世第一法復次欲逆次說凡夫所  
得法故如說世第一法乃至煖法是名凡夫  
所得出要法如說二十身見等是名凡夫煩  
惱法此二種法誰能知者惟無我智是故第  
二品中作如是說頗有一智知一切法乃至  
廣說此無我智何由而生由覺緣起是故第  
三品中作如是說一人此生十二種緣乃至  
廣說所以能覺緣起由於愛敬是故第四品  
中作如是說云何爲愛云何爲敬乃至廣說  
此愛敬何因而起由有慚愧是故第五品中  
作如是說云何慚云何愧乃至廣說誰能漸

愧由解法相是故第六品中作如是說色中生住老無常當言色也非色也乃至廣說何由能解法相由斷無義修習有義是故第七品中作如是說諸他修苦行當知無義俱乃至廣說何由斷無義修有義由正思憶是故第八品中<sub>分一</sub>作如是說云何爲思云何爲憶乃至廣說以是衆因緣事欲逆次說凡夫所得法是故先說世第一法云何世第一法答曰於諸心心數法次第得正決定是名世第一法問曰已能得正決定當能得正決定復是世第一法不答曰亦是若說現在當知則說過去未來問曰世第一法正決定爲住時得爲滅已得若住時得者亦是凡夫亦是聖人若滅已得者何故不言已得正決定而言今得答曰應說已得所以經文不說已得自有已得說言今得如說大王從何處來此名已來而說今來已覺諸受已斷漏已得解脫亦如是或有說者應作是說無間得正決定是

名世第一法評曰無間得正決定次第得正決定有何差別復有說者苦法忍雖未生此第一法決定爲次第緣是故言今得正決定或有說者於諸五根次第得正決定是名世第一法問曰誰作此說答曰舊阿毗曇人說第一法問曰誰作此說答曰舊阿毗曇人說問曰彼何故說五根是世第一法答曰彼不必欲令五根是世第一法爲斷異論故異論者毗婆闍婆提說信等五根一向無漏故一切凡夫悉不成就問曰彼以何故作如是說答曰彼依佛經佛經說言五根猛利通達滿足向阿羅漢若無五根墮凡夫數彼以經作如是說故言信等五根悉是無漏爲斷彼人如是論故說信等五根是世第一法若信等五根是無漏者無始以來未曾能起一念無漏而得世第一法是故當知五根非純無漏復次若五根是無漏者違佛正經如說若我於信等五根不能如實觀是集是滅是味是患是捨者則不能得阿耨多羅三藐三菩提

乃至廣說不應以如是相觀無漏法毗婆闍婆提曰應以如是相觀無漏法云何應觀如經說不能如實觀信等五根者是別相觀信等五根何由而得由親近善知識積集而得是名觀集云何觀滅未知欲知根滅已知根生是名觀滅云何觀味此無漏法亦爲愛所緣是名觀味問曰無漏法亦爲愛所繫耶答曰不也如汝法中有無漏緣使緣而不縛我亦如是云何觀患諸無漏法是無愛故是名觀患云何觀捨一切有爲涅槃時捨是名觀捨爲斷如是種種諸論故作是說於諸五根次第得正決定是名世第一法復次若當五根一向無漏復違佛經如說我以佛眼觀衆生根有上中下毗婆闍婆提說曰佛經說上根者阿羅漢中根者阿那含下根者斯陀含須陀洹育多婆提說曰若余者世尊不轉法輪名轉法輪一切聖人已滿世間佛亦不須復轉法輪毗婆闍婆提說曰世尊所以說諸

衆生上中下根者說根所依處不說根體育多婆提說曰若然者復違此經如說闍提輪那婆羅門往至佛所白佛言沙門瞿曇說有幾根佛答言有二十二根此亦說根所依處然俱同說是根一是根所依一是根體無有是處是故信等五根應有漏無漏問曰毗婆闍婆提所引佛經當云何通答曰信等五根有二種有漏無漏彼經惟說無漏所以者何因諸根故說聖人差別復次五根有漏無漏彼經惟說無漏所以者何以聖爲對治法故聖人差別問曰上言若無五根墮凡夫數此云何通答曰彼言墮凡夫數者謂斷善根凡夫或有說者犢子部說五根是世第一法何以故五根是善性以五根善故餘數法亦善亦以根故聖人差別如說五根猛利通達滿足得阿羅漢廣說如上問曰以何事故尊者迦旃延子引犢子部所立義耶答曰彼犢子部所說而與此經少有相違所謂五根是世

分一十五

夫或有說者犢子部說五根是世第一法何以故五根是善性以五根善故餘數法亦善亦以根故聖人差別如說五根猛利通達滿足得阿羅漢廣說如上問曰以何事故尊者迦旃延子引犢子部所立義耶答曰彼犢子

第一法凡夫性一向染汚彼以欲界苦諦所  
斷十使是凡夫性涅槃有三種學無學非學  
非無學阿須羅是第六道說有我人爲如是  
等若五若六與此經相違莫謂彼部所說盡  
與此經同彼作經者爲斷如是意故次作是  
說如我義於諸心心數法次第得正決定是  
名世第一法問曰如汝所說五根性善餘心  
心數法性非是善者應是不善無記若以五  
根性善不善無記親近五根亦名善者今五  
根亦親近不善無記應是不善無記此則不  
然何以故根與心心數法同一所依同一行  
同一所緣同一果同一依同一報共成一事  
而云其性善是親近善者是妄想取或有說  
者誦持修多羅者說言五根是世第一法尊  
者達磨多羅說曰世第一法體性是思名差  
別耳尊者佛陀提婆說曰世第一法體性是  
心名差別耳所以者何信心異乃至慧心異  
若有衆生能於一時以五種心次第得正決

定無有是處若一一次第得正決定斯有是  
處問曰若然者以不相應法得正決定耶答  
曰不也所以者何汝法心不與心相應有爲  
所緣有爲所緣故能次第得正決定我信亦  
余不與信相應能有所緣有所緣故次第得  
正決定乃至慧亦如是問曰若然者則有大  
過所以者何若但信心得正決定不以精進  
念定慧等得正決定者懶怠失念亂意惡慧  
亦應次第得正決定乃至慧亦如是爲斷彼  
人如是意故故作是說如我義於諸心心數  
法次第得正決定是世第一法如我義者謂  
不顛倒如法性順經文同我等意而作是說  
分一  
諸心心數法次第得正決定是名世第一法  
彼迦旃延子欲顯正義故言世第一法亦是  
根亦非根問曰如世第一法現在前未來世  
中心心數法亦修彼爲是第一法不耶答曰  
或有說者依如經本非世第一法何以故經  
本說諸心心數法次第得正決定是世第一

法彼未來者不能作次第是故非世第一法  
 復次若當是者復違經本如說世第一法當  
 言一心非衆多心評曰應作是說彼未來者  
 亦是世第一法問曰彼未來者不能作次第  
 總云何是世第一法耶答曰彼未來者雖不  
 能作次第而能隨順作次第法譬如丘布  
 薩時不在僧中而與僧欲得名布薩僧事亦  
 成如是彼在未來世中爲現在得如與欲  
 者若未來世中無現在得不與欲者今現在  
 者亦不能作次第若作次第當知皆是未來  
 者力何以故彼未來者不與聖道作障礙故  
 復次若彼未來非世第一法者與智捷度經  
 又相違所以者何如未曾得道今現在前彼  
 未來世中相似種修若彼未來不作世第一  
 法者云何名彼種相似修以是事故彼未來  
 者亦是世第一法問曰若未來是世第一法  
 者經文何故不說耶答曰若能與次第緣者  
 經文則說彼不能與次第緣是故不說復次

分一  
十七

若流轉三世者則說未來不尅或有說者從  
 因而生成就此法住在身中是故說之彼未  
 來者雖從因生成就此法不住身中是故不  
 說問曰若然者云何非是衆多心耶答曰此  
 中惟說現在剎那能成事者故非衆多心或  
 有說者若能令未來世中修者則說未來不  
 専或有說者若心彼因彼心此果是以故說  
 未來不尅或有說者能與因能取果住身中  
 能有所緣是以故說未來不尅或有說者有  
 二修義是以故說彼未來者惟有得修無有  
 行修是故不說問曰彼世第一法俱生色心  
 不相應行為是世第一法不耶答曰或有說  
 者如經本說彼非世第一法所以者何彼不  
 能與次第緣故評曰應作是說彼亦是世第  
 一法問曰彼不能與次第緣云何名世第一  
 法耶答曰彼雖不能與次第緣而能隨順次  
 第緣義所以者何彼與世第一法俱生住滅  
 同一果一依一報是以故說問曰彼若是世

第一法者經本何故不說耶答曰彼不能與次第緣故是以不說或有說者若從因生成就此法能有所緣是以說之彼雖從因生成就此法不能有所緣是故不說或有說者若是相應有依有勢有行有緣是以故說彼非相應無依無勢無行無緣是故不說問曰彼

世第一法得爲是世第一法不耶答曰彼非世第一法問曰以何等故生住無常是世第一法而得非耶答曰生等一事世第一法同

一果共行不相離常相隨無前後得則不専

不同一果不共行相離不相隨有前後或離所得法如樹皮離樹以是義故非世第一法

問曰以何義故沙門果得即沙門果而此第  
一法得非世第一法耶答曰以成就得故名  
沙門果是以得即沙門果能與次第緣亦能  
隨順次第緣義名世第一法得則不専是故  
非世第一法如是餘達分善根得非達分善  
根何以故若得即是達分善根者已得聖果

十八

應重起達分善根現在前以成就得故而實  
不専是故得非達分善根或有說者若共起  
世第一法俱生者名世第一法後生者非餘  
達分善根亦如是或有說者得即世第一  
法其餘達分善根得即是達分善根問曰若  
然者已得聖果應重起達分善根現在前答

日或現前或不現在前何者現前所謂得也  
何者不現在前所謂諸相應法也評曰不應  
作如是說如先所說者好

## 阿毗曇毗婆沙論卷第一

### 序

### 分一

挺失然輟知劣炬巨寢夢頽徒搆  
古侯抑意力銓評上七全反淵烏玄隘  
焰音反洽侯夾沮渠上七徐反豁平括館音  
反綜子宋企矚上立智反燭貴庭粗同  
官淪涇下音殆音探士含敵昌兩遂反鑽仰  
反

### 第一卷

阿毗曇下徒舍反毗婆沙此云種說優波提舍此云捷度上居言反毗尼此云偏遍音義燒亂上鳥音達反摩掘下其物反摩鎗下偷音譏經燭子上契經音翻上暖音達逆二同正汗渥下泥音胡閑闡音評曰上音平十九末

分一

阿毗曇毗婆沙論卷第二

分二

迦旃延子造北涼沙門浮陀跋摩共道泰譯

雜捷度世第一法品之二

問曰世第一法爲幾念處答曰現在一壞緣法念處未來四問曰世第一法爲幾緣答曰爲四緣因緣者相應共有因次第緣者與苦法忍作次第緣境界緣者忍智所緣威勢緣者除其自體餘一切法是彼緣生法於世第一法亦有四緣因緣者相應共有法次第緣者苦忍是境界緣者欲界五陰是威勢緣者除其自體餘一切法是復有義說者云何名出世第一法答曰苦法忍是所以者何是聖

道種子故復有說者金剛喻定是所以者何能盡諸結得究竟果故復有說者盡智是所以者何以初得盡智餘無漏法時淨修故復有說者正三昧是所以者何得一切有爲法中正定最勝故復有說者涅槃是所以者何一切法中最妙勝故復有說者阿羅漢最後心是所以者何凡夫人最後心名世第一法阿羅漢最後心名出世第一法評曰不應作是說彼阿羅漢最後心非出世法故如先說者好問曰頗有世第一法不與苦法忍作次第緣耶答曰有世間第一法色心不相應法則是問曰頗有相應法不與苦法忍作次第緣耶答曰有未來修者是也尊者佛陀提婆說曰若以信心得正決定是名世第一法與苦法忍作次第緣餘精進念定慧心是名世第一法而不與苦法忍作次第緣說相似法妙門說曰受與受作次第不與想等餘數法亦如是心法生時遇緣便生若愛前緣生樂受